

Ihr bekantnuß Kayser Carolo V. vbergeben/ die auch daselbsten durch Gottes
gnade offentlich geprediget vnd erhalten: durch der Papisten neid aber/ war
eine kurze zeit von dannen vererleben vñ abgeschafft/ doch durch Gottes gnad
in eroberung derselben Statt von diesem König sal. allda widerumb aufge-
richtet vnd beschirmet / Anno quo rex s^{ve} Clæ, Dominat Vr A Vg V star
[Sic ludit divina in humanis sapientia rebus,] vnd löndre man zum theil
von diesem GUSTAVO ADOLPHO, euffrichtlich auch sagen/ was Jacob
von Juda geistlich sagt in seinem segē. Ge. 49. Juda du bist/ dich wer-
den deine brüder loben. Deine hand wird deinen feinden aufm
halse seyn / für dir werden deines vatters kinder sich neigen.
Juda ist ein junger löwe. Du bist hoch kommen mein son/ durch
grosse sieg/ er hat niedergekniet/ vñ sich gelägeret wie ein löwe
vnd wie eine löwinne / wer wil sich wider ihn auflehnen / hier-
zu sollen billig alle fromme auffrichtige teutschen Christen Amen gesprochen
haben/ vnd von hetzen diesem theuren helden vñ seiner Ehegemahlin gewün-
schet den segē/ den die brüder Rebecca ihr wünschren: du bist vnser brüs-
der vñ schwester/ wachse in viel tausent mal auf/ vnd dein
samen besitzet die thor seiner feinde/ Amen.

O Herr ewiger Gott/ wer muß nit erkennen deine grosse kraft/ die auch in
den schwachheit mächtig ist/ wer muß nit preisen deine unbegreifliche weisheit
deren alle dinge von ewigkeit her so wol bewußt seyn/ als wenn sie jezo geschähe
wären/ wer kan gnugsam rühmen dein grundlose barmherzigkeit/ durch wel-
che du von der welt her schon gebacht hast auf mittel vnd wege / wie vns reu-
schen auß vnsern künfftigen trangsäl geholffen/ vnd vor 300. Jahren 150/ hast
lassen mit gewissen merck- vnd kennzeichen andeuten vnd weisagen dem Ju-
dam Maccabeum, der vns in deiner kraft errettē sollte/ so lang es dir gefällig
o Gott vater/ in alles vnglück/ noth vnd schaden habē wir vns wol mit vielen
sünden können stürzen/ aber mit aller vnser macht vnd weisheit vns selber nicht wie-
derumb heraus/ helfen/ dir sen ehr vnd preis in Ewigkeit / daß du vns nicht gern wilt
lassen ewig verderben / Ach gib daß wir zur wahren Bus/ solcher Hülff vns recht ge-
brauchen. Ach vergib alle grosse missthaten/ vnd erlöse vns auch forthin so lang wir
leben/ auß allem vbel/ vmb Jesu Christi willen/ Amen. Das 19. Capittel.

Von Gottes Beystand.

Textus num. 19. lit. t.

Vnd der starke von sich selber wird sich finden vnter demselben Fürsten. Erklärung.
W Er der starke von sich selber sen/ haben wir droben im 4. Capittel besee-
hen/ nemlich/ Es ist der Herr/ stark vnd mächtig/ mächtig
im streit/ es ist der Herr Zebaoth/ er ist der König der Ehren.
Psalm 24. darvon Herr Lutherus in seiner festen Burg singet: Fragstu
wer